

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件广告宣传页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



近代中國史料叢刊第七十七輯

沈雲龍主編

勤慎堂自治官書

劉如玉著

文海出版社有限公司印行



自治官書

長沙葉德輝  
署檢

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>





新嶺省自

臨官齋





## 重印自治官書序

余與劉君琴五交，逾四十年，教品勵學，直諒多聞，余甚重之。嘗為余述其曾祖子英公、祖茶生公、父竺清公、三世為湘贛等省守令政績，而於子英公所著自治官書，尤拳拳焉。數經變亂，其書早佚，一日，琴五遊美國哥倫比亞大學圖書館，赫然見館中藏有是書，喜出望多，因郵以贖余，將在國內重印，而屬為之序。謹按子英公於咸豐初，以孝廉謁選，得楚之寧遠令。時洪楊已踞金陵，湘粵土匪，動假名號，嘯聚挺亂，至不可爬梳。視事未半月，敵人已抵城下。公臨事鎮定，開誠布公，使民與官為一體，以故敵雖衆且悍，所過通都大邑，無不殘破，而寧遠彈丸之地，曾屢瀕於危，卒不能破。居寧遠五載，量移茶陵、湘潭，均繁劇難治。時地方少靖矣，而公治事精審猶昔，其後再任寧遠亦然。所為條教判語，剴切周密，能令讀者感泣，為曾文正所激賞，謂不圖王文成、呂司寇之文告，乃復見於今日，爰下其法於州縣，一時傳為美談。聞嘗謂儒家修齊治平之一貫大道，要其歸趨，不外修己安人四字，故孔子亟稱之曰，修己以安百姓堯舜其猶病諸

，近世大儒，如王文成、曾文正，皆持此道，身體力行，樹之風聲，卒以削平大難，奠安邦家。今觀子英公之行誼，亦猶是也。公一生嚴於律己，無絲毫假借，事父母盡愛盡敬，推之羣從兄弟，友愛若一，鄉黨鄰里，凡有緩急，靡不悉力以赴。暇則芒屨竹杖，與田夫野老酬接，述古近事為勸戒，解釋爭忿，環數十里內，無質公庭者。平生不加人詞色，但遇有過，則直折之，令改過己，故人樂與之親，而莫不肅然以敬。及其居官，方無事時，勤於為政，斬清閭訟盜之源。遇急難，則拊循其人民，而感激以忠義，軍旅驛騷，饋餉無乏，舉危疆而衽席之。在職十餘年，未嘗一日自休息，今其官書，粲然具列，可覆按也。公明敏足以幹事，而其心肫然務與天下以性情相見，所慮常在小民根本至計。至於當機立斷，一準於情理之平，雖累歲塵積，折以片詞，燭照龜卜，銖黍不爽，人以是服其能，而不知其真積力久，蘊於中者至深厚也，倘所謂修己以安百姓者，非歟。是書喪亂之餘，於數萬里外，失而復得，若冥冥中有神靈呵護者然，是豈僅劉氏傳家之寶，抑亦治近代政史者之重要資料也，琴五兄弟，善事繼述，其永葆之哉。

## 自治官書序

自治官書三卷吾鄉新昌劉君子英官湘時所手定也君初宰寧遠寧遠邊於粵時洪楊已踞金陵爲巢穴湘粵土匪動假名號嘯聚挺亂至不可爬梳君嚴治團練痛草薙而禽獮之既論紳士協捕又憫念不可盡殺反復勸諭改惡從善以是解散頗多二稿爲曾文正公所激賞謂不圖王文成呂可寇之文告乃復見於今也爰下其法於州縣並疑稿出他手將以甄錄其才文正之虛懷獎善固宜人樂爲用亦以見君情詞懇惻足以感人者深也常是時湖湘牧令中多聰強吏雖或不免偏駁要皆勇於勦滅故寇氛環逼而疆圉以安諸人又時惴惴小心煩憂賦歎以爲苟幸不丁斯禍得從容專壹於教養收效不當倍贏耶今大難之平久矣官斯土者無練兵籌費之窘以困其才無外防內剿之危以惶惑其耳目心志宜乎爲政益得顯且精余撫湘三年日用是爲廉察期勉乃循分效職者固多而卓然樹立名蹟之賢尙未之數見豈人材誠不曩若與無亦處優游無事之時無以危懼而激卬之精力遂縮胸而不能殫竭以極其所至與此又余讀君書而重增慨慕者已君繼宰茶陵湘潭均縣劇難治時寇禍少紓矣而君治事精審猶昔也所爲條教判語剴切周密一準情理之平能令讀者感泣君曰此特其迹耳嗟乎其所以有是迹者豈苟焉哉嗣君寶壽復以縣令隨牒在湘奉是篇爲治譜足矣矣若夫願牧令之師法之則余亦猶文正之志也

光緒戊戌季夏撫湘使者義寧陳寶箴拜序

聖賢有安命之學有立命之學其迹雖異而理則同也士君子束髮讀書循循焉植品而勵學一行作吏正己化民書上考黜顯秩此安常處順之所爲而非所論於戎馬倉皇多事之秋也今天下之事亦孔艱矣東身自愛知難而退者有之或苟且從事工繭絲而疏保障者不知凡幾又何得謂之安命又何得謂之立命乎大抵循謹之吏不過畏簡書以期無

咎斯已矣其傑然露廉隅者則又亢厲矯激以爲不如是不足以抗俗而樹表蓋守繩墨者無遠略而矜才氣者多踰閑也今觀子英先生自治官書其宦迹所經歷歷如繪不禁有感於安命立命之學矣方其以孝廉議選得楚之寧遠令時粵西逆匪鴟張蔓延及楚境寧遠與粵近同好諸公爲君危之再三勸勿往君慷慨請行及視事未半月賊已抵城下君臨事鎮定神閒而氣靜又能開誠布公民與官爲一體以故賊雖衆且悍所過通都大邑無不殘破而寧遠彈丸之地攻者自攻守者自守雖屢瀕於危而卒以不破者君之力也今讀其自治官書中議戰議守議堵禦議擇紳耆之公王者與之共事議勞民之與賊句結者殺無赦非居官者至誠動人官與民爲一體何能收若是之效也至於臨事鎮定神閒而氣靜其平日之所養可知矣君雖口不言功而究以是受 大府知薦章上達

天語褒嘉晉冰銜宰大邑蒸蒸日上後福正未可量豈君之所豫計哉知危難而不避安命之學也知危難而不避爲守爲禦爲任擇爲驅除顧若畫一祇求夫心之所安此安命之學卽立命之學也可見禍福自有一定彼斤斤計較於利害得失之間者相去遠矣賊退後一切經理得宜置器於必安之地寧遠民至今賴之將立生祠以誌不忘其茶陵卸篆之日培仁適以句常公事至見士民供張祖餞遮道攀轅爲誦昔人官貧歸棹易民愛出城難句君爲憮然是真有古循吏風非亢厲矯激以沽名者所可致也君亦惟求乎心之所安而已推君之心以爲莅民者事無大小必盡厥職而後安安心卽所以安命也究之立命之學亦不外是其書具在因其迹而求其理不禁反覆流連而不能已也時在咸豐十年歲次庚申愚弟少伯張培仁謹序

六經者道之迹也聖賢心法事功成在焉下此老莊申韓之屬其道不軌其詞甚工而迹隨以留屈原迹於騷陸賈迹於新語賈誼迹於新書繁露迹仲舒法言迹子雲迹管仲以篇八十迹荀卿以篇三十皆迹之美者也焚奏草而不留自醜其迹者也由漢至今二千餘年其間醇儒名臣至夥矣令人指其迹若數掌紋史書焉耳文集焉耳由是言之吾儒得志

行道不惟利澤及一時聲稱藉一世且使後之君子得師其成效以爲治非留迹而奚由新昌劉子英刺史令寧遠五稔屢以孤城挫捍寇之鋒事達

宸聰可謂壯哉及量移茶陵雍容鎮靜與民樂安其業抑何暇也迹其所設施殆有古循吏之風歟繼美遊湖湘道其境聞頌之者不絕口心儀焉過訪官舍藹然可親益心折之彼我初未謀面至是知同爲年家子遂相洽出自治官書屬校稟稿朗暢時露激昂慷慨批判平易嫺雅不爲苛察告諭詳明剴切其勸化土匪尤委婉竭情如父兄之誠子弟愚頑亦知生感宜曾滌生節使贊賞不置比諸王文成呂司寇之作也二日畢校事掩卷而歎曰劉子之迹留矣不有是後世烏知其政教若是之美乎劉子亦嗛然也曰吾之文不足留特以留吾政之迹云耳噫文章一道門戶多端推厥大旨有用爲貴案牘之作雖不能盡展文家之所長然可以資吏治窮民情其文固有用也烏可不留耶買舟將發序以誌別附諸簡劉子政迹留余之遊迹亦藉以留矣抑漆園有言夫迹履之所出而迹豈履哉然則留迹者旣因履以生迹觀迹者當因迹以求履後學讀是編由其政教而推其性情學術儼亦宛然如見其人矣乎咸豐庚申重陽節前五日世教弟永新尹繼美拜書於茶陵州城西客館

從來政事文章胥本性情之真而出本性情以展才猷政事斯真本性情以爲言辭文章斯真至若政事必借文章文章足徵政事學問經綸皆關

國計民生之大而一方利害安危繫之固卓卓乎古大儒有用之文章古大臣匡時之政事合而致之者也然非胸有上下千秋之識變通乎古今時勢之宜權衡乎事機緩急之故則卽讀書破萬卷自負經術湛深泥古爲古人用不能酌古以用古人發爲文章不切於時施之政事無裨於世詩書之氣養其性情者先已不醇無眞抱負因無眞助業無惑乎膺民社而張皇補苴風規亦俗吏耳子英劉子以吾鄉名宿筮仕楚南文章政事照曜三湘七澤間余心重之久矣籍隸新

昌與余同郡劉子曾官外翰余備職內翰相知名而未見也在京時同郡友携其所作試帖數十首示余每首中有飄飄欲仙語饒有唐人風味近來七家詩外獨樹一幟心佩之劉子亦觀余坊刻時藝而許可兩人神交已數十年由孝廉謁選宰寧遠量移茶陵旋調湘潭皆有政聲楚之人頌父母稱神君焉同郡友自楚南歸者每傳其在官治績余聞而嘆曰文章政事卓然如是宜楚之人口碑載道也辛酉余北上取道湘潭往見之署齋清雅如士人家壁上有曾滌生前輩手書謂劉子勸諭士民告示神味似王文成呂司寇更心異之以爲劉子文章政事竟至是乎急欲見其文乃出自治官書大集相示卽劉子之政譜也令我一讀一擊節生氣勃勃生緒墨間吾郡朱文端公後僅見斯人可爲江鄉生色焉合全集而讀之如親歷戎馬倉皇之景如親視縹緲拮据之形如親聞殷勤詰誡之聲一字一句皆是精神直從肺腑流出今讀其文猶令我惻然生感也當干戈接攘身經亂離呼吸存亡之間其聞而泣奮而起者不更有動於不容已者乎文生情耶情生文耶其忠君愛民之忱所激而發抑廉明勤慎之意所順而施者耶況和神如春情節如秋爭於人者已有其素推爲今之韓范也又誰謂不宜耶且夫人不當盤根錯節之秋閱艱難險阻以試其才則非奇才不值危疑震撼之際鑿天地鬼神以爲其文則非至文劉子一弱書生耳藏修名山者有年浮沉宦海者有年一行作吏而年已老矣領憑至省時粵西烽煙日逼楚境寧遠楚邊邑也接壤粵西隣邑官吏多藉事卸篆交遊輩謂劉子尚未履任曷姑俟之劉子曰國家需人蒼生待命此何時也可姑俟乎乃琴鶴不隨匹馬之官地近賊氛人心惶惑風聲鶴唳四境騷然劉子自盡其心所能盡自爲其分所當爲期上不負吾君下不負吾民與孤城共生死與萬姓共憂樂其勸諭士民諸告示深入人人心人人有英雄之氣爲干城爲腹心皆以文章鼓舞之劉子之爲是文章也天地鬼神亦鑒其心民安得而不諒之以文章見輅略卽以文章保生靈不誠懇懇乎文至也哉使非抑塞磊落之奇才則必不能從容整暇於險阻艱難中大展其雷雨風雲之偉抱立萬物之命而生四野之春劉子蘊蓄之奇誠何如也讀劉子之書謂劉子爲國士也可謂劉子爲名

臣也可予謂劉子固醇吏而醇儒者也其他善後諸章程及稟稿批判皆布帛菽粟之言而實裕體

國經野之談其文章卽其政事也其文章政事卽其性情也劉子自謂文太樸質予謂樸斯古質斯真琴之聲醴之味在人自領之其以自治官書名其集也殆本古人文中有我在與前人官須我自做之說而名之乎我用我法而不戾於法抱此寸心自爭千古劉子其以爲知言否乎予讀其文竟而更有感焉吾鄉兵燹累遭井里蕭條民生之塗炭極矣劉子官楚南所治之邑亦累遭兵燹而民皆安堵故鄉之風景今何如者耶劉子亦有感於心而不能忘者耶咸豐辛酉重九前一日鄉愚弟周鎮南拜序於中湘寓齋之畫秋行館



自治官書偶存目錄

卷一

初任寧遠通粟地方情形……………	一
稟 本府徐太守勘明大三畝地方實係道州界內……………	二
稟覆 節使曾宗伯……………	三
稟編查保甲酌擬變通章程……………	五
粵匪圍城告急通稟……………	七
通稟援兵到縣會同擊賊捷音……………	九
稟覆 駱中丞批飭嚴緝逃匪……………	一三
稟覆 文方伯提撥錢糧……………	一四
寧遠被議後赴省稟 文方伯……………	一五
稟覆 譚方伯委提錢糧及茶陵舊欠解款……………	一八

# 自治官書偶存卷一

新昌 劉如玉 子英

初任甯遠通粟地方情形咸豐二年四月

敦粟者竊卑職自辭 憲轅東裝就道於四月初十日抵甯遠任自惟學荒才拙吏治未諳深切悚惶惟以三十餘年科目初膺民社揆諸平生立志斷不敢重自菲薄效乎俗吏之爲方將恪守 明訓以除莠安良爲先務實心實力行之庶幾無負 委任乃下車甫經數日寇氛已偪楚疆寧遠夙稱匪藪一時社鼠城狐聞風蠢動幾於無村不有邑人皆言道光二十六年土匪王苟仔滋事未得嚴加懲辦遂至匪勢日張將來內外勾結揭竿而起者其黨正難悉數也先是卑職領憑到省有舊友關切告以粵寇且至道必經寧遠赴任盍少調停卑職極感其意特以服官伊始不欲迹涉趨避是以決志而行非敢謂盜根錯節以別利器惟視險阻艱難皆分內事耳刻下風鶴時聞民情已極惶迫汛兵僅百餘名計惟招募鄉勇又苦倉卒無貲無米之炊倍增焦灼城鄉億萬生靈使坐視而不能救亦安用此守土官爲卑職連日會商文武員弁備集紳耆諭以富者出貲貧者出力固團練一定之方然貲或驟集爲難力則隨時可用當此事勢危急必先家各派丁自備器械民卽是勇立可成團但使同心協力遠近村莊聲勢聯絡亦可暫救目前然後徐圖長策籌費設防以弭後患保身保家道不外此諸紳耆相願動色咸以爲然願卽家喻戶曉一體適行然卑職未敢恃以爲安也夫君子信而後勞其民誠使官與民親平日以誠相感宛然有家人婦子之誼一旦有故必可得民心而用之今則撫字催科官尙未有設施民亦未見樂利豈能遽責以有勇知方竊恐捍此強寇未可專恃團勇再四思維惟有稟求 大人俯念卑縣地處邊陲爲該匪由粵入楚要道 迅賜派遣精兵酌發軍餉俾得豫備不虞生民免遭荼毒 憲恩高厚感戴同深至鄉邑土匪充斥卑職不忍不教而誅正在出示痛切曉諭並飭紳耆各儆各族果能改過自新悉予寬免其怙惡不悛者

仍由該戶族團總人等查明呈送按法重懲以靖內訌而禦外侮除一切有關實政事宜容俟樓折條陳外所有卑職到任察看地方情形亟應請兵請餉先辦防堵緣由理合據實肅稟 憲臺察核訓示飭遵

稟本府徐太守勸明大三畝地方實係道州界內

敬稟者竊<sup>卑職</sup>縣周家山與道州桂里源民人劉魏等姓因搶互毆致斃多命一案前據胡尚祥等控奉 憲臺批飭查覆業將此案情形稟覆在案嗣奉 札飭會同道州勘驗核辦等因當經移會道州定於本月初八日同往勘驗<sup>卑職</sup>即於是日如期前往在途接准陳牧函稱應俟奉到憲批再行遵辦<sup>卑職</sup>未便折回隨詣該處於初九日眼同兩造人等先勘得劉魏等姓同居一村地名桂里源週圍皆山山脚下係屬平陽地面相連一片皆劉魏等姓田畝中有大田一坵地名大三畝係道州隸生劉上達契管之業問據兩造人等指稱當時互毆斃命之處即在此田內當弔劉上達管業印契核驗其田坐落道州中三所梗名魏四儒戶內納糧並弔該處相連劉魏等姓田契數紙查核另有烏子坵石山脚雞公壩等處名色亦在道州中三所別戶納糧所有憑契查驗該處田畝在道州界內相距道寧交界處所尚有半里之遙勘畢隨詣周家山令胡尚祥等指明埋屍處所查勘胡戊仔等各屍排連一處用土掩蓋據胡尚祥等僉稱報驗之後恐劉上達等焚屍滅迹均即抬回掩埋候驗等語隨即提訊據劉上達等供稱胡尚祥等前因伊等捉獲土匪林洸典送經道州訊明正法之後日尋報復前月初五日知伊村人趕墟匪黨糾衆攔搶殺傷魏元武等追至伊田內兩相格殺斃命實在道州所管界內現有印契爲憑訊據胡尚祥等堅稱劉上達糾衆至伊青頭嶺強摘茶子胡戊仔等往阻被劉引生等追至劉上達田內彼此爭鬪各受鎗傷斃命是實當堂取具辜結附卷伏查命盜案件呈報到縣總以犯事及死者身死地方係何 縣管轄即歸管轄之州縣辦理此案前據兩造具報到縣適<sup>卑職</sup>縣土匪勾結新桂等處匪徒滋事正在會剿尙未撲滅<sup>卑職</sup>守城喫緊即屬本境命案呈報到縣亦未便遠涉相驗況此案犯事地方係在道州界內又非交界處所不

特劉上達等呈出印契可憑卽胡尙祥等亦據供指係在劉上達田內取有聯名摹結可據自應歸道州集訊詳辦以符定例惟查前准道州移覆以此案土匪林天佑等糾黨潛匿天鵝抱蛋山內因槍殺魏元武等有陳恩忠等逃跑賊同路旁田鄰幫追互格魏寅古等受傷在途倒地殞命是該匪追至何地互殺魏寅古等究在何處倒地殞命均未切實指明核與劉上達等報呈及<sup>卑縣</sup>勘訊供詞均屬互異迨往勘驗又不查明實在地界率以犯事在<sup>卑縣</sup>天鵝抱蛋爲詞且各屍身俱在大三畝田內僅據驗明道州民人魏元武等四屍填格移送而寧遠民人胡戊仔等十二屍置之不問止圖含糊推諉嗣經移知會勘又復不至現在各屍均已腐爛不能相驗雖據劉上達等供係因槍斃土匪難保胡尙祥等不藉屍刁告陳牧如再諉延咎將誰執合將<sup>卑縣</sup>查勘緣由肅稟 大老爺俯賜察核札飭道州勘訊詳辦抑或另委賢員會勘提審之處聽候 批示祇遵

稟覆 節使曾宗伯咸豐三年

敬稟者竊<sup>卑縣</sup>接奉 鈞函以方今之務莫急於剿捕土匪飭卽遵照 張中丞前札力能捕者自捕之力不能者稟請發兵剿辦總期無案不破無犯不懲等因奉此仰見 大人除暴安良令在必行至意伏查<sup>卑縣</sup>土匪之多甚於各屬自上年四月粵匪竄楚攻陷道州該土匪卽於是月二十九及五月初五等日兩次勾引攻城始賴沅兵擊追繼幸援師適來孤城得以固守至六月二十六日粵匪由道州竄省所過州縣俱各失守<sup>卑縣</sup>雖幸保無虞而粵匪已去土匪仍不時竊發邑人皆言道光二十六年匪初肇亂懲辦不嚴致留後患誠如 憲諭一次不懲則膽大藐法二次不懲則聚衆橫行惟其漏網而無所畏益復跳梁而莫敢攖也<sup>卑縣</sup>慮其依附粵匪滋蔓難圖實爲肘腋之患久經留意搜緝期於遺孽不留惟僅飭兵役往捕風聲易洩動輒遠颺且恐該兵役等良莠未分不及細察甚或懷挾夙嫌必致妄擊無辜轉滋騷擾因思各鄉紳士與該匪同村共族者多見聞自必眞確較兵役殊爲可靠疊經傳集至<sup>署</sup>曲達苦衷危言悚諭給以諭

單及勸化土匪卮言告示囑其認真辦理輒轉開導其中迷惑未深聞言醒悟者亦不乏人至怙終不悛之輩經紳士密稟到縣仍即分撥兵役協同嚴拏如有拒捕情事准其格殺弗論該紳士等見卑職到任以來推誠相與以爲民除害爲亟頗覺相信日深樂爲效力見經獲送到案訊取確供正法者業已二百餘名並據紳士稟稱該匪多投入賊營竄擾他省其因查拏嚴緊越境逃匿者亦俱未敢還鄉若欲盡絕根株尙須稍寬時日而邇來遠近村莊已覺漸就安靜此實與職利害切身必當息息豫勞之事復荷 訓諭諄諄寬以文法假以便宜俾得實心實力放手放膽爲之所以爲各牧令計者無微不至如此而猶遷就日前委瀕貽患是燕巢於幕而不知其危寢於積薪之上火未及然而以爲安也卑職惟有益加振厲竭力芟夷並勉各紳士始終勿懈以期除惡務盡其或嘯聚已多未易剿除自應據實稟請核辦豈敢蹈有心諱飾之習自外 生成除奉到團練告示業經發貼及紳士信函擇人給領外合將遵辦緣由蕭稟 大人俯賜查核訓示並附錄卑職前諭紳士及勸化土匪告示恭呈 憲覽

曾宗伯社 兵役恐妄拏無辜轉滋騷擾不若紳士查拏較兵役更爲可靠此爲目前辦土匪者必不可易之論飭紳士協拏諭單勸土匪改惡告示詳明痛切大似王文成呂司寇二公文告近時那得有此安得如結輩數十人布滿天下賊何足平哉其所用之紳士究以何人爲首選必有滄臺蓋公相助爲理前所致代發之紳耆信五十封即仰開單送轉就五十人中擇其尤爲可倚者附稟來告是爲至要此外文告並仰鈔呈不特爲他州縣之法式本部堂當取則焉

曾宗伯回札附 前承惠函並錄寄示稿二通讀竟鼓舞以爲王文成呂司寇誠飭勸諭之文明暢深婉靡有倫匹而尊文神味意致乃上肖之非夫理明事練勤恤民隱懷惻怛之實者莫能幾也既服其文因竊意其人必賢明能幹事者以徵於人皆莫能舉其詳於是發所錄之文傳播宣示誦者神衷心折不知手足之爲舞蹈也既傳觀以徧夏憩亨觀察遂主刊錄其文頒示各縣以爲之程式非徒貴其文辭之婉至以爲就其文之意推而行諸政其政必和曲而達諸民其民

必順是以深念賢者之治尙恨不獲與諸父老扶杖優游一究其詳也示稿計當出自尊裁其或錄記中有韓吏部段司農其人者亦見知人善任能曲盡其所長抑吾楚英彥通達事務能文章者鄙人幸皆得納交其有不誠未嘗不悉其人而略究其底蘊是文既非治幕事者所能幸及亦豈有所詣如是而鄙人一無知曉區區之私不能自釋用敢道其意於左右卽屬幕下從事者之所爲亦求告知幸得心存其人以爲異日取交之證感甚感甚寧遠刁悍之地莠民充斥號稱難理鄙心時用爲憂得賢者驟除綏輯長駕遠馭其庶有豸乎專此祇請升安不盡

稟編查保甲酌擬變通章程咸豐三年

敬稟者畢謙 茲任以來遵奉編查保甲竊思保甲之法有名無實久矣當比粵寇未平土匪竊發果能行以實力自可戢暴安良然人人知其法良意美而行之迄鮮成效者非盡由州縣因循仍舊亦其勢實有難行也朱子云親民事者貴得其情行古法者在師其意查保甲條規歷經前賢博採輿情參稽成法固已備臻美善而皆以慎選保正甲長爲本畢職以爲其難正在此也呂司寇謂科目取士爵祿榮之授之官職矢志潔身者幾人實心任事者幾人今一州縣設約正副不減三二百人欲其人人有士君子之行是庶民賢於搢紳矣其言甚爲曉暢不獨此也從來鄉里公事把持包攬之輩每藉辦公爲進身之階其心地樸誠潔己自愛者類多觀望不前彼皆士農工商身家自顧方各謀本業之不遑孰肯出而任此重責晨夕稽查以他日不可必之遠坐結目前不可解之深讐誠何所利而爲之縱曉之以大義動之以至情惕之以遠慮其究歸於空談無補計惟好名之心雖老成端謹者不免果有足以榮身之實不患其不樂爲我用特花紅匾額之獎猶非其所甚欣羨也考周禮黨正族師閭胥比長之職與今之保正甲長相類其時皆係官名本朝軍功品級從事戎行者隨時以示鼓勵不少靳惜彼有禦寇之勞防之於已然也此有緝匪之責弭之於未然也其事雖殊其功則一可否按照此例酌爲變通於學充保正甲長時詳請分別給與頂戴令其統率牌長等人其呼應必較

爲得力且保正甲長名目在昔原屬尊稱近則混於地保等項人皆不以爲榮反以爲辱或擬改爲鄉約首事鄉約總理查鄉約原有賞給冠帶之例今多不行請復舊制加增額數首事酌管十牌爲一甲計一百家以平民爲之給與九品頂戴總理酌管五十牌爲一保計五百家以生監人等爲之給與八品頂戴仍由地方公舉紳耆連名具結保充其牌長復由首事總理保充但能在獲匪類一人卽予記功一次十功者亦准給頂戴倘查有不能認真辦理卽將頂戴革去另選充當至或藉端需索挾制良民及受賄容隱挾嫌誣陷則治以應得之罪如此賞罰嚴明勸懲皆得其實不類虛文故事必皆樂於效力不致有始無終此格外鼓勵之微權也至於編造牌冊似亦可刪繁就簡前前調座主李蘭卿先生談及守粵西思恩時論各州縣舉行保甲以十家合爲一牌止書各戶家長姓名某項生理統共丁口若干人其父母兄弟子姪以及妻妾媳女名字年齒概不開列該以保甲之意不過查悉其本身的戶執業生理並重在鄰佑互相糾察以杜其窩頓爲非且一家有犯例只坐罪家長其戶內丁口原不須一一詳注若必過於拘泥並各家閨閫婦女織悉必書已非立法本意原查往年寧遠填寫門牌戶大人衆之地自詡身家清白嫌其苛察太甚每有不肯落筆者寧遠如此他縣想亦不免雖由鄉人未諳定例亦見事涉繁瑣究不甚便於民轉致陽奉陰違毫無實際益服先生之鍊達人情如此其至也原初陝民社吏治迂疏何敢於成法妄參末議惟從體察民情之下熟思可以必行之方不揣冒昧率陳管見並以蘭卿先生一代良臣原幸出門下不忘言行取法之意冀以所得緒論見諸施行勉圖報稱如蒙 俞允俟准行之日原再當酌擬簡易條規呈請訓示並另發告示將此次充當鄉約首事總理大有榮施毫無擾累之處敦切曉諭先期示信於民使其易知易從且事關功名得失不能不竭力爲之庶幾土匪無所容身而保甲可著成效矣是否有當理合肅稟 大人俯實察核訓示飭遵

曾宗伯批 據稟已悉陽湖張編修亦有此論地保牌甲之名正人君子之所不屑居者茲改爲鄉約首事鄉約總理庶

冠帶禮樂之士亦樂就之仿照軍功品級之例給予頂戴事屬可行惟須僉舉任事之後擇其稍有事功者詳請獎敘庶幾慎重名器之道近日功牌冒濫已極有心者正當權衡至當森起凡例該縣想能深明此義故可隨時詳請他縣不得援以爲例也至於編造册冊繁就簡實爲誠體之言究竟瑣瑣開載於編查何嘗有裨簡易規條仰即妥速擬定本部堂將刊刻頒發各屬一體遵辦仍候

督部堂  
撫部院

批示繳

張中丞批 慎選保正甲長給予頂戴前人亦曾有議及之者然其實保正甲長應差當役鄉黨自好之士必不肯爲雖給以頂戴之榮猶將遜謝不願其樂於承充者保無倚勢橫行欺壓鄉里請給以頂戴遂能使彈心爲公誠實可倚恐亦必不可得之數也呂司寇謂科目取士爵祿榮之授之官職矢志潔身者幾人實心任事者幾人今一州縣設約正副不減二三百人欲其人人有士君子之行是庶民賢於搢紳矣州縣親民之官膺章綬之榮受土地人民之寄尙不能盡望其矢志潔身謂與保正甲長以頂戴之榮遂能使之矢志潔身是又保正甲長賢於州縣也查鄉約原有給予冠戴之例自粵匪滋擾以來能舉行團練盤獲隣境奸匪及察出本境奸匪多名者亦准給以功牌之榮是州縣不患無鼓勵微權保甲之行與不行總視州縣印官之賢能與否官民通爲一氣自然奸宄無處潛蹤以一縣之良民治一縣之土匪何患不治內奸既絕外侮無自而生正不在多設條例徒增煩擾也天下無不弊之法恃有不弊之人其人存則其政舉同一保甲團練之法而行之者有實與不實效與不效之分即此可見該令所稟詳請保正甲長頂戴應毋庸議至於編造牌冊翻繁就簡以歸便捷而順人情自屬可行仰即悉心經理務期實效庶幾頽風可挽地方漸有起色也此繳

### 粵匪圍城告急通稟

咸豐四年一月

飛稟者粵西羅陽賊匪由道州竄擾粵縣焚掠鄉村裹挾良民初五日卯刻賊衆約有數千盡擁撲城當經粵縣將危急情形馳稟 憲察在案竊思 前因黎把總等剿賊失利以致賊益披猖料其必且攻城以肆鴟張之勢業經會商守備



王綏國帶同幕友周濤等守北門署把總黎景章同紳士周官劉緒葵等守西門教諭舒永獻訓導廖章達同紳士駱時凱等守東門典史李恬同紳士劉懷玉等守中城南門帶領家丁書役日夜登陴巡查頗爲嚴密先後盤獲奸細覈實保賴汚獲羅新仔等七名訊據供稱爲賊內應不諱正在加意嚴防嗣因請兵未到該匪突撲城垣出城恐守城兵勇尙形單薄又復添派城內居民舖戶四百餘名每一城堞酌加一人更番守護頗覺軍容較整人心益堅守城於重給口糧外復懸立殺賊賞格再三申徹萬一賊竟緣梯而上直至堞口當此之時勢無中立惟有拼却性命有進無退奮力截擊若一念轉移便失事機貽害不小所喜兵勇人等忠義激發志切同仇自初五日一晝夜間四城槍礮齊開約計斃賊數百內有騎馬賊目二名又偵知近城鋪屋皆爲賊踞是夜北風大作密遣兵勇縱城縱火延燒死者不計其數中城以爲初經痛創賊必膽寒不料益肆勾結隨殺隨添初六七八等日仍然絡繹出隊不少休息雖每次火礮火彈滾木礮石擊斃數十名百餘名不等復致負隅相抗結寨山坡製造長梯並分股赴鄉擄掠糧食爲持久計實屬愍不畏死究非說莫可當惟是卑縣兵勇嬰城固守則有餘摧鋒陷陣則不足竊恐被圍日久鄉村蹂躪不堪而到處蔓延亦更難於收拾且蘇給兵勇口糧勢已不繼種種棘手焦灼難名惟有仰懇 大人迅催帶勇員弁星馳赴縣協剿滅此朝食則不但永州無虞卽嘉禾藍山一帶均可漸就肅清感戴 鴻慈實無既極理合肅稟 憲臺俯賜察核施行

駱中丞批 該令素得民心守禦已固自可無虞駱護游擊督帶兵勇千餘名何以尙未見到王委員周護游擊江守等兵勇諒數日內必當趕到矣賊係烏合之衆且聞該縣土匪附和者多兵勇到齊無難撲滅淨盡惟該縣會匪素多人心好亂兵至則匪亦爲民兵去則民復爲匪實爲可惡若不悉數擒斬必致仍釀後患此在該令之聯絡公正紳民勤爲搜捕不能盡恃兵力也繳

黃太守批 前由省派來蘇遊擊所帶兵弁因在道州蛇皮渡未經開仗遠爾挫衄業經會同 署鎮稟請撤省聽候查

辦郡城存兵僅止中右營三百有餘見在分防要隘已嫌單弱實屬難以抽撥該縣汛兵雖止百有餘名而募勇尙多團丁亦衆剿此烏合用兵固不如用民也仰會同營員督率兵勇諭飭團紳協力防剿該令向來辦事樸實深堪倚靠望認真妥速辦理盡力爲之前灌陽竄匪擾及道州聞該縣防堵極嚴聲勢甚壯城中鎗房居民無一遷徙見又每家一丁上城守禦該縣能信用其民辦理周妥均經本署府據實通稟矣並即知照此復

### 通稟援兵到縣會同擊賊捷音

飛稟者竊卑縣連日粵匪圍城愈聚愈多迭經卑職將城上開放槍礮擊斃該匪計已千有餘名賊仍未退情形馳稟憲鑒在案初十日辰刻賊衆紛撲四門城上迅即開槍立斃數賊忽見東南兩路賊營火起喊聲大震頭裹紅巾之賊自相混殺正不解其何故署把總黎景章適於前數日由湘營來遙望大旗知同知王鑫帶勇已到護遊擊周雲耀一軍隨後亦至一時賊衆披靡若鳥獸散兵勇殺賊如草銳不可當卑職急飭紳士周濤劉緒黎駱時凱劉懷玉等各帶壯勇緝城而下會合痛剿施又分路追殺約共斃賊千數百名內有戴黃風帽賊目三名紅風帽賊目五名生擒積年會匪頭目楊得金及賊黨四百五十三名奪獲太平後軍及朱洪英大小旗幟百數十面偽印妖書槍礮刀矛不計其數並經近城一二十里圍紳連夜陸續緝送逃匪來縣訊明正法者亦五百餘名此初十日援兵到縣會同擊賊之實在情形也卑職查悉賊情此次圍城幾如破釜沈舟志在必克是以歷五晝夜更番出隊迭被挫劓並不少休卑職始以爲賊僅數千耳迨賊退後據近城紳民傳述及歷訊賊供僉稱初到亦祇二三千名自由道州至甯遠句結既廣挾從尤多實不下二萬餘人若非王同知周護遊擊督率兵勇由永明南路駛至出其不意一鼓掃蕩竊恐相持不下未易解圍而湘勇頭裹紅巾效賊裝束先行混入賊營一聲喊殺賊膽盡破亦見王同知精於用兵每有此出奇制勝之舉惟是逃匪尙多不亟掃除恐仍蔓延爲患仰懇 大人札飭帶勇員弁乘此軍威方震跟蹤追剿悉數芟夷卑職亦即親赴各鄉督同團紳令其

沿村逐戶嚴密搜拏毋許稍有徇隱以期盡絕根株感恩施實無涯淡所有在事文武員弁及帶勇紳士兵勇書吏人等可否擇其尤為出力酌量保舉以示鼓勵之處卑職不敢冒昧恭候 憲臺查核訓示飭遵

路中丞批 此次賊匪攻撲城垣該令會督弁兵紳勇悉力固守其平時能固結人心臨事鎮定不撓已可槩見該紳兵勇等齊心捍衛勞不可泯准其核明實在勞績酌量開單聽候分別

奏獎以昭激敗殘餘匪亟當督飭團長族長勒限捆送就地正法以絕根株毋稍姑息切切繳

文觀察批 該縣堅守城垣紳民等皆協力同心可嘉之至見在援兵抵縣又復會同文武及各紳士合力痛剿殺賊多名擒獲甚衆實足以壯軍威而寒賊膽該縣戰守合宜紳士等各戮力本道深為嘉許也惟是匪聚則易於殲除匪散則難於搜捕仰即曉諭紳民在於各鄉嚴密巡緝如有從匪敗歸之人即行捆送訊明正法蓋此等匪徒勢窮則悄跡逃歸賊至則乘風肆應若不及時搜拏為一勞永逸之計恐根株未淨萌蘖復生轉貽後日之患該縣辦事勤能諒不負本

道諄諄切囑之至意至請獎一節應俟開報到日再行核辦仍候 各憲暨 省局 兩司批示繳 總領

黃太守批 十三日探得該縣解圍之信當即會同署鎮稟慰 各憲矣惟見在全股雖經剿散而逃竄尚多必須大加芟夷方無後患昨已飛行札飭該令會商路遊府實力窮搜跟蹤追剿並另頒簡明告示諭令鄉團捕拏捆送嚴行懲治望即查照分別妥辦查此次該令堅守危城勞勩卓著深堪嘉獎要非周諮遊府王司馬出奇制勝亦難如此捷速所有在事出力文武員弁士紳自應擇尤開摺稟奏以憑彙請獎敘仍候 各憲 批復

奏稿節錄附

湖南巡撫臣駱秉章謹

奏爲兩廣賊匪同時犯界各路均獲勝仗賊匪竄撲道州寧遠臨武藍山各州縣城垣經官軍擊退解圍大獲勝仗並見在防剿情形恭摺由驛馳

奏仰祈

聖鑒事竊照廣東廣西匪盜竊起秀民從亂如歸蔓延日廣湖南迤南一帶跨連兩粵不但宜章零陵爲入粵衝途卽永州府郴州桂陽州所屬州縣處處毘連處處有賊每多者或數千或萬餘少者亦以千數百計而皆以應接江南大股逆賊爲名紅巾黃巾效賊裝束同時並起勢甚披猖嚴郴桂之防則零道恐其闖入益零道之守則郴桂復慮乘虛當茲水陸兩軍乘勝東下之時兵勇徵調已頻餉需轉輸已竭事端迭起羽檄交馳實亦應接不暇臣察度情形調募兵勇分駐永郴兩路並飭各屬文武會督紳勇協力嚴防小警則各守各境大警則各路領兵文武就近馳撥務期調發迅速而緩急適中事機扼要嚴防而遠近得以兼顧所有布置情形臣曾經

奏明在案賊之由道州江華竄逸者連日四出句結在寧遠縣屬水打鋪天堂墟兩河口一帶擄掠喪脅勢甚披猖該知縣劉如玉會商守備王綬國於九月二十六日派委把總黎知星督同紳士駱時凱周承謨等帶領兵勇進剿行至拱橋頭遇賊接仗衆寡不敵黎知星挺身格鬥登時陣亡周承謨亦被重創大小源汛把總黎景章帶兵馳至與駱時凱等合力堵擊斃賊二十餘名生擒賊目歌達毛賊始卻退復竄該縣平田村柏家坪禮士灣等處大肆焚掠會匪頭目楊得金自灌陽烈回糾合黨匪二千四百人附合廣東東陵觀會匪二百餘亦潛入助逆賊勢益熾知縣劉如玉先後盤獲奸細馮貴保賴汚嬰等七名悉知賊情飛稟告急初六日卅時賊衆擁至四面撲城劉如玉會集營汛紳民登陴固守敵斃賊匪數百名內有騎馬賊目二名是夜密遣兵勇繞城焚燒城外民房斃賊不知其數初七初八初九等日賊結營城外山坡更番出隊攻撲城垣城上礮石轟擊每次斃賊各數十名初十日辰刻賊衆紛撲四門甚急忽東南兩面賊營火起呼

聲震山谷城下賊衆鼠竄探報王鑫周雲耀自永明關外剿賊凱旋聞警遠被國星夜馳至賊祇防永州兵勇赴援不虞永明官軍從南路突至也驚懼不知所措王鑫周雲耀縱兵勇痛擊銳不可當劉如玉急飭紳士劉懷玉劉緒黎駱時凱率勇縋城而下彼此夾剿復分路追殺霎時間賊屍遍地約斃千數百名內戴黃風帽賊目三名紅風帽賊目五名生擒會匪頭目楊得金及賊黨四百五十三名奪獲太平後軍及朱洪英大小旗幟百數十面偽印妖書槍礮刀矛亦無數是日紳團捆送逃匪至縣正法者亦五百餘名其東北路設伏阻遏援師之賊亦經護遊擊駱元泰千總陸文德分路搜剿斃賊百數十名餘賊竄逸十一日駱元泰援師馳抵縣城則圍解一日矣此次南界軍務甚殷同時並練在事員弁及地方官且防且剿啓處不遑卒能掃蕩妖氛保固邊圉實屬著有微勞署道州知州慈利縣知縣馮崑循聲卓著臨事從容鎮定膽識俱優遠縣知縣劉如玉廉明勤慎深得民心署臨武縣知縣盧肇煦甫經署任臨事膽識俱壯代理藍山縣知縣卽補州同張嗣康人尙明幹該員等此次保城殺賊不愧守土之官應請

優獎以資激勸馮崑請以同知直隸州卽補先換頂戴並

賞戴藍翎劉如玉請以同知直隸州補用先換頂戴盧肇煦請遇缺卽補並

賞加同知銜張嗣康請以知縣補用並

賞加同知銜管帶湘勇已革同知直隸州王鑫迭次奮勇出奇大獲勝仗義烈謀勇兼而有之請開復原官並

賞換花翎護永州左營遊擊嶺東營守備馮雲耀忠勇兼至深得永州兵民之心每戰身先士卒出奇制勝口不言功實

武職中傑出之材請以參將留於湖南補用並

賞換花翎護永州中營遊擊升用守備駱元泰穩練勇往能得兵心請以都司留於湖南遇缺卽補其餘實在出力之文

武紳勇尙多可否容臣核明開單保奏出自

天恩至陣亡之把總黎景星外委蔣景亭董勇百長藍翎把總周興朝即用把總賈聯元並請旨交部照例賜卹以作士氣而勵戎行謹會同湖廣督臣楊需署提臣多歡恭摺具

奏伏乞

皇上聖鑒訓示施行謹

奏

稟覆 駱中丞批飭嚴緝逃匪

咸豐五年九月

敬稟者竊以職 稟報督同團紳親赴東鄉搜獲土匪黃求瑞等十六名訊明正法一案奉到 憲批該縣伏匪尙多仰即督飭各團紳嚴密查緝恐該令近日又不以緝匪爲事矣等因奉此捧讀之下感悚難名卑職 待罪密遠數年夙荷 諭緝逃匪一月之內 批示至再至三並飭將獲匪情形按旬稟報仰見 大人救民水火刻難容緩至意自應迅速辦理期於悉數殲除猶記卑職 蒞任之初即有匪患捕獲正法初亦惻然不忍嗣聞零陵胡令之言我輩有殺人之事無殺人之心揆諸本懷聊用自慰迨後匪亂末已焚掠淫辱日益橫行實堪令人髮指卑職 以悲憫之懷激而成憤懣之氣每當訊有確供亂念今日不殺此人必致他日數十百人皆罹其害而一經臬示萬衆同聲稱快惟其情實罪當法無可寬是以明正典刑無所用其優柔不決 大人洞鑒遠及每以卑職 秉性慈善爲慮蓋待平民誠有之至於兇惡匪徒豈敢以煦煦爲仁自貽養難之患計自咸豐二年四月初十到任即於是月二十九日擒獲攻城土匪樂浪仔李五仔二名正法爲始至五年八月二十一日緝獲土匪黃求瑞等十六名正法止實共殺匪一千二百四十七名俱經確切訊明錄供詳報有案可稽此外尙有官兵剿殺團勇圍殺不可勝數而根株未絕逃匿滋多至今此輩彼竄尙煩 憲廑此則卑職緝捕無能實難辭咎自後益當督率各團嚴加搜緝以期除惡務盡無使漏網稽誅所有卑職 遵奉 批飭竭力查辦緣

由理合肅稟 憲臺俯賜察核訓示飭遵

稟覆 文方伯提撥錢糧 咸豐六年四月

敬稟者本月十七日接奉 鈞札以卑縣三四五年錢糧除撥解外欠數甚多茲上忙開徵尤應實力催收解省供支並以地方屢次被撥情形較難仰荷 憲恩曲爲原諒卑職 敬譯之下實深悚惶自惟誠迂才拙不足以馭悍戾之區自二年四月蒞任卽辦軍務計挪用錢糧七千餘金卑職 以欠解太多亟於三年下忙催令及早完納半月之內徵收一萬有奇因知省庫待撥孔殷儘數一批全解比較歷任批解之數有盈無絀若非是年十一月道州岩頭滋事又復募勇防剿必可年清年款是卑縣欠解錢糧皆由軍需緊急稟准通融挪用以公濟公實爲保全地方起見然亦不得已而爲之也至四年十月十二月賊又兩次圍城經費益形支絀猶記請餉無發撤防不能借墊路窮幾於束手待斃其萬分窘迫情形獨家大人嚶及曾經於本府稟內批示恐卑縣支持日久亦有匱乏之虞卑職 感激涕零至今銘心鑠骨然是四路鄉村蹂躪殆編民不堪命幾於十室九空查卑縣應徵正雜款銀一萬六千餘兩從前八月開徵約可完半獨五年八月僅徵有十分之一卑職 惶恐焦灼寢食不安惟體察民情實因被掠焚銀錢兩乏兼之穀價太賤墾積不行尙非盡屬甘心抗欠而提撥各營兵餉正在急需支應迭經傳集紳耆人等痛切開導笑翹三令五申卑職 始度其勢以爲甚難緣卑縣連年兵燹較郴桂江水等處相去亦僅一間特卑縣仰邀 福庇嬰城固守幸保無虞耳其四鄉之荼毒則大略相同也彼皆得遂

豁免此獨仍迫追呼而數月以來尙能勉強急公陸續完納近亦將及過半固由士民中通曉大義者相信有素不昧天良而在卑職 已出於意料之外從此權衡緩急勸懲兼施分別追繳應可掃數全完比及下忙年豐人樂務使舊章可復藉以仰慰 憲廑卑職 催科政拙下考夫復何辭重荷 大人溫諭諄諄訓以認真辦事勉爲好官感戴鴻慈實無涯涘

惟有力圖報稱倍竭駑駘稍醉 高厚於萬一所有奉到單開提款應即設法上緊催徵隨收隨解斷不致稍涉懈惰自外 生成合將卑職 遵辦緣由肅稟 憲臺俯賜察核訓示飭遵

文方伯批 該縣賦受賊氛瘡痍未復民間情狀可想惟司庫搜括告罄各路兵勇待餉孔殷現已懸欠二十餘萬專盼各州縣錢糧源源接濟據稟開徵以來完納將及過半具見該令素得民心催科尚易爲力閱稟忻慰仰即認真催繳先將飭撥王道勇糧三千兩在於派提數內速行撥解具報其餘銀兩隨即解省以供要需再下忙可復舊章得以年清年款但冀地方靜謐當有把握該令勉力爲之不勝跂望切切此繳

甯遠被讎後赴省稟 文方伯 咸豐六年九月

敬稟者竊卑職 於咸豐二年四月到甯遠任適直粵匪傾巢竄楚先踞道州全省震動甯遠距道州七十里兩次圍攻弗克旋陷江華永明是時 前中堂賽駐永州 前制軍程駐衡州均以甯遠係衡永門戶防堵最關緊要日夕嚴札飛催速招鄉勇並飭倍出重賞雇募剽悍猛人多多益善當奉 前任永州府見署糧儲道徐迭次委員查點實有民壯各可二千九百餘名六月賊由道州逸出因甯遠防守緊嚴改由小路至水打鋪下瀧竄去所過鄰境嘉禾及郴桂茶攸等州縣俱各失守曾奉

上諭該逆不敢窺伺甯遠嗣後三年則有道州四厂橋岩頭地方賊屢滋擾護總銅安駐紮 縣帶兵進剿打仗受傷把總呂至貴委員從九品王變俱陣亡經帶勇委員候補同知張榮組永州千總周鳳山兩營合剿賊旋敗竄是役也兵勇皆由甯遠而進道州未辦軍需 節使曾宗伯有不分畛域甚屬可嘉之諭四年則有廣西灌陽之匪初攻道州旋犯甯遠把總黎景星剿賊陣亡賊益猖獗十月圍城歷五晝夜候補同知王鑫嶺東守備周雲耀奉調赴援乃得解圍餘黨四散旋伏旋起十二月又復圍城歷三晝夜援兵未來幸亦擊潰五年則有郴股匪由嘉禾竄踞甯遠之魯觀洞參將趙永



年蹶後追剿被圍陣亡賊漸偏城常速添募本洞猛勇五百名卽由洞內襲攻其巢賊始竄過江華與永明城匪會合六年王同知克復江永兩城追賊過甯遠境又經<sup>卑職</sup>伏勇隘口截殺無數並生擒屢奉飭擊之郴州女匪頭目許香桂俱經稟報入

奏此<sup>卑職</sup>二三四五年嬰城固守籌辦防剿備嘗艱險之實在情形也所有連年軍需無款可籌節次稟請動用錢糧均奉 前憲徐批准暫行通融挪墊事竣核實報銷再行請領歸款並奉 中丞批示所須口糧准在錢糧項下酌提因此得以無悞支應當將挪用實數按年開具清摺隨時稟報在案本年三月奉 憲臺轉奉 中丞札開二年未完錢糧分數善化湘陰酃縣零陵祁陽東安寧遠永明邵陽武岡漣源安鄉桂陽藍山十四州縣因墊辦軍需挪用俟歸軍需項下另案報銷等因<sup>卑職</sup>遵卽復將連年奉調官兵招募鄉勇並支應過境兵差添設驛路腰站一切鹽糧坐餉製造器械等項銀數合計一十六萬九千餘兩分款造報詳奉 憲批仰俟彙案核銷另飭遵照<sup>卑職</sup>竊以奉批明晰准歸軍需報銷自必一律辦理無復疑慮不料札開善化湘陰等十二州縣均遵照通飭核辦惟甯遠桂陽獨歸參革案內查封備抵<sup>卑職</sup>竊謂才拙自必另有應得之罪細思不得其由旁觀亦爲抱屈昨奉 大人面諭始知實因報銷稍遲別無他故是則<sup>卑職</sup>智慮短淺以爲歷開清摺在案當此核實查辦經管書吏必先檢呈而不知總須早辦報銷方爲合例至本年五月已屬遲延是以雖准核銷難免處分伏思錢糧關係重大<sup>卑職</sup>雖經稟准挪用亦未嘗不虞後將貽累惟勢處危急存亡間不容髮焦心勞思再三計較竊謂城池有失倉庫豈尙能保且異日錢糧欠解其咎<sup>卑職</sup>一人當之目前城池有失其禍合邑百姓受之權衡於輕重緩急之間自當先顧大局實亦並非冒昧而行惟冀萬難苦衷終邀原諒於他日耳至軍需撥抵錢糧自有成例可按<sup>卑職</sup>此項均歸實用並無虛糜不獨駐縣防剿官兵各有印領可憑卽本汛兵丁減半給發悉屬遵奉札飭其所募民勇各勇並皆屢次打仗殺賊請獎郵歷經彙報有案原非尋常防堪之州縣賊未臨城勇未臨